

ADASAMMA YIEDIE HO ANODISEM

NNIANIMU

Ɛsiane se adasamma ahunu se, yesusu onipa, bu no, di no ni a, ebema ahofadie, atentenenee ne asomdwoee ase atim wɔ wiase yi mu nti,

Ɛsiane se atuatee ne obuo a wɔammu adasamma yiedie yi de anitan ne atirimuɔden baee, na abehwanyane nnipa ahonim de asetena foforo aba, ama nnipa ani aba wɔn ho so se wɔwɔ ho kwan se wɔka wɔn adwene a ehu biara nni mu, na wɔwɔ ho kwan se wɔyɔ adwuma na enhia wɔn, na esiane se wɔapae mu aka ato dwa se yei ne nnipa anidasoo titre nti,

Ɛsiane se, ɛnse se eba no se obi de ahomtee beye nneyee bi a eye nneyee a etwa too koraa, a onii betumi afa so de ako atia anitan ne ahupoo, bere a mmara bo adasamma yiedie anodisem ho ban nti,

Ɛsiane se eho hia se nnamfofa ba aman ahodoɔ ntam nti,

Ɛsiane se Amanaman Nkabom Kuo mu nnipa asi wɔn gyidie so dua wɔ Amammuo Nnyinasoo no mu, se onipa anim nyam ne boɔ a ɔsom no nye adewa na ɔbarima ne ɔbaa nyinaa ye pe, na wɔawe ahinam so, se wobema asetena mu aye yie, na nnipa atumi atena ase se anuanom wɔ ahogono mu nti,

Ɛsiane se aman hodoɔ a wɔfra Amanaman Kuo no mu ate wɔ ho ase ahye bo se wɔne Amanaman Nkabom Kuo de anokoro behwe ama obiara adi anodisem no ni, ama obiara anya n'ahofadie ne ahoto sedee efata no nti,

Ɛsiane se ntease pa a yebenya no wɔ anodisem a efa onipa yiedie ne n'ahofadie ho bema yen bohye yi adi mu nti,

ekuo no badwa kesee no

pae mu ka se:

Ani da kwan se:

Saa adasamma Yiedie Ho Anodisem a wɔada no adie yi beye susudua titire baako pe a, ewo ho ma nnipa ne amanaman nyinaa, na Ɔkontekoro anaa fekuo ahodoɔ nyinaa bema adi wɔn tirim dem, abo no dawuro akyerekyerɛ asee yie pa ara, agye ato mu, adi so, na wode afa wɔn ankasa aman ne aman foforo dwumadie nhyehyee ahodo so ama ahyeta aman a wɔdom Amanaman Nkabom Kuo ne aman biara a ehye n'ase mu.

Ahyedee 1.

Nnipa nyinaa ye pe. Na wode adwene ne nyansa na abo obiara. Ɛno nti, ese se obiara do ne yonko, bu ne yonko, di ne yonko ni.

Ahyedee 2.

Yiedie ho anodisem mu asem yi wɔ ho ma obiara a nyiyimu biara nni mu. Ɛmfa ho se obi ye tuntum anaa fufuo, ɔbaa anaa ɔbarima. Kasa a obi ka, asore a obi ka, amanyokuo ko a obi dam, dee obi fire, adwapadee a ɔwo, n'awosuom ne dee ekeka ho nsi obiara kwan wɔ saa nhyehyee yi ho.

Dee eka ho ne se, ɛnse se yeto ɔman biara a obi firi mu ho, se ɔman ko no di ne ho so anaa ehye ɔman foforo bi ase.

Ahyedee 3.

Obiara wɔ ho kwan se ɔtena ase asomdwoee ne ahofadie mu a bone biara nka ne nipadua no.

Ahyedee 4.

Ɛnse se obiara di obi nya. Nkoato ne nkoaton ye dwadie bi a ese se wotore asee korakora.

Ahyedee 5.

Ɛnse se obi fa ekwan bi so hye onipa dasani biara anieyaadee. Anaa ɔfa atirimuɔden kwan so twa obi asuo, gu n'anim asee.

Ahyedee 6.

Se obiara kopue mmara anim wɔ baabiara a, ese se wogyɛ no to mu se onipa.

Ahyedee 7.

Nnipa nyinaa ye pe wɔ mmara anim. Mmara bo nnipa nyinaa ho ban pe a nyiyimu biara nni mu. Mmara mu dee, yenhwe obiara anim.

Ahyedee 8.

Se obi bu mmara yi bi so tia ɔfoforo a, ɔwo ho kwan se ɔde no fa mmara kwan so ne no di sedee mmara see.

Ahyedee 9.

Ɛnse se wɔkyere obiara kyeahunu. Ɛnse se wɔkyere obiara sie anaa wɔtwa obi asuo kwa.

Ahyedee 10.

Se wɔbo obi kwaadu wɔ biribi ho na wode onii ko asenniie a, ese se won a wobedi asem no bu atentenenee, bere a wonkyea won aso. Ɛse se asennifoo no ye nnipa a won ho nni asem no mu koraa.

Ahyedee 11.

Se wode so to obi so, nam so kye no, na wɔntumi mfeefee asem no mu, nhunu nokore a ewo mu a, yefa no se onii no nye saa bone no, gye se wonam mmara kwan so, ko asem no mu, hunu se ɔdi fa. Se wode no ko asenniie mpo koraa a, ɔwo ho kwan se ɔhwehwe mmoa biara a ɔbetumi anya de atete ne ho akyiri kwan.

Obiara nni ho kwan se ɔgyina amanmara anaa amanaman mmara so de asotwe a emfata ma obi wɔ bone bi a onii yee bere a na saa mmara no nni ho ho. Na se ekoba no se na asotwe bi wɔ ho ansa na asotwe foforo a emu ye den sene dada no reba a, ese se asotwe a onii yee saa bone no na ewo ho dada no ara na wode twe no.

Ahyedee 12.

Ɛnse se obi fa ekwammone so de ne ho hyehye obi kokoamsem, n'afisem anaa n'abusuasem mu. Ɛnse se obi gu obi din ho fi. Mmmara bo onipa biara ho ban sedee ebeye a, biribiara ntumi nsi ne yiedie ho kwan.

Ahyedee 13.

Obiara wɔ ho kwan se ɔtumi ko baabiara, tumi tena baabiara wɔ ɔman biara mu.

Obiara wɔ ho kwan se ɔtumi tu firi ɔman biara mu a ne man ka ho, sane ba ne man mu bio.

Ahyedee 14.

Se obi manfoo reteetee no ape no atore n'ase a, eye n'asedee se ɔdwane ko dwankobea bi wɔ ɔman foforo bi mu kobo ne ho adwaa wɔ ho.

Se obi ye bone a emfa amanyo ho anaa entia Amanaman Nkabom Kuo nhyehyee a, enye onii no asedee se saa mmara yi bo ne ho ban firi saa bone no ho.

Ahyedee 15.

Eye obiara asedee se ɔtumi ko oman foforo bi mu kodane hani.

Obiara ntumi mmo ne tirim, mfa asisie kwan so nsakra obi nkyi. Se obi pe se ɔsakra ne nkyi nso a, eye n'asedee se ɔsakra bere a akwansidee biara nni mu.

Ahyedee 16.

Eye mmarima ne mmaa a wɔanyinyini, aso awadee asedee, se wɔware wowo mma, bere a won nipasuo, won nkyi ne won nyamesom nsi won kwan wɔ won awadee anaa awaregyaee ho. Se awaree no besɔ a, gye se awarefoo baanu no apene so, agye ato won ho so se wobeware.

Fidua a eye agya, ena ne mma no nnyinasoɔ no ye abusuabo nnyinasoɔ mfitiasee, na eye fidua no asedee se omanfoɔ bo won ho ban.

Ahyedee 17.

Eye obiara asedee se ope ono ara n'agypadee. Otumi nso ne afoforo bom ne won pe agypadee.

Ense se wode ahupoo anaa nneyee a ennam mmara kwan soɔ gye obi agypadee firi ne nsam kwa.

Ahyedee 18.

Eye onipa biara asedee se odi n'ankasa tirim, dwene n'adwene, ko asore biara a ope. Saa tumi yi ma kwan ma obi tumi sesa n'asore ne ne gyidie wo badwam anaa kokoam a akwansidee biara mma mu, na emfa ho nso se woye nnipa bebreɛ anaa oye okontekora.

Ahyedee 19.

Eye onipa biara asedee se otumi ka n'adwene wo biribiri ho bere a akwansidee biara nni mu. Afei obiara nso tumi fo okwan biara so bo biribi ho dawuro de kyere n'adwene anaa otumi hwehwe nya biribi ho adwene a emfa ho se oye oman ba anaa onana.

Ahyedee 20.

Eye obiara asedee se odom asomdwoee kuo bi. Ekwan nso da ho se nnipa bi tumi bom hyia a enye bone so.

Ense se obiara hye obiara ma odom kuo bi a ompe.

Ahyedee 21.

Eye onipa biara asedee se worebu ne man anaa woreka mu asem a, oka bie. Onii no tumi ko mu tee anaa otumi fa abatoɔ a emu da ho kwan so ka bi.

Onipa biara wo ho kwan se biribiara a ne man mu aban beyo no, onya ne so ne dee pepepe.

Dee omanfoɔ pe na ese se won aban yo. Wonom abatoɔ a dwinim biara nni mu, na obi nhunu ne yanko abatoɔ mu, na obiara a wadi mfee dunwotwe biara to bie so na ededi saa dwuma yi.

Ahyedee 22.

Eye oman biara asedee se ebo oman ba biara ho ban. Ese se enam oman no ahooɔden anaa nkabom bi a saa oman no ne oman foforo bi ayo so ma oman ba biara nya anigyeɛ, di yie sedee oman ko no sikasem, nnobaee ne amammere a etumi ma onipa di mu no tee.

Ahyedee 23.

Eye onipa biara asedee se oye adwuma. Adwuma biara a obiara pe se oye no nso, ense se akwansidee biara ba ho. Ense se mmara no bo adwumayofoo ho ban firi adiyie mu, na ehwe ma wonya ahoto wo won nnwuma mu.

Dwuma koro a obi bedie no so akatua a efata na ese se wotua no a nyiyimu biara nni mu.

Eye onipa biara asedee se oye adwuma biara a ope, nya ne so ne n'akatua a ebetumi ama one ne hokafoɔ ne ne mma atena ase anigyeɛ mu, se nnipa, na se eyere so koraa a, aban boa no kwan bi so de bo ne ho ban firi ahokyere bi mu.

Eye onipa biara asedee se ote anaa odom adwumayefoo kuo de bo n'adwuma anaa n'ankasa ho ban.

Ahyedee 24.

Eye onipa biara asedee se oye adwuma bi a, onya kwan gye n'ahome, na otumi ye adwuma nso kosi bere bi. Eto da a, woma onii no kwan ma odi afoofi a wotua no ka.

Ahyedee 25.

Eye onipa biara asedee se ono, ne hokafoɔ ne ne mma a eye fidua no nya ahoto wo won asetena mu. Nnooma a ede ahoto bre abusua anaa fidua no ne aduane, aduradee, adan, ayarehwe ne onipa asetenam ahiadee nyinaa, na mpo se ekoba no se obi adwuma see anaa odi dem, anaa odi kuna, anaa onyini ma no guro, anaa biribiara a ede ohaw beba n'asetena mu a enye ne mfomsoɔ no, eye n'asedee se onya asetena pa a efata.

Ese se woma mmaatan, ne titire no, won a woturu mma ne mmofra nyinaa nyia mmoa sononko. Abofra a wonam aware pa kwan so woo no ne sebe, mpena ba nyinaa ye mmofra a wohia hwe pa a nyiyimu biara nni mu.

Ahyedee 26.

Eye onipa biara asedee se oko sukuu kosua nwoma. Mofraberem nwomasua no ye adesua ahyesee a enni se wotua ho sika koraa. Eye nhye se abofra biara beko mfitiasee sukuu no bi. Ese se wobuebue mfidwuma ne nsanodwuma bebreɛ, na se obi tiri di boa no a, wakotoa so wo suapon bi mu, bere a nyiyimu biara nni mu.

Adesua ho mfasoo titire ara ne se onipa besua adeɛ anya mpontuo wo n'asetena mu, ahunu n'asedee, na wate n'ahofadie ase yie. Eba no saa a, ebema nteaseɛ, abodwokyeree, ne nnamfofa abeda aman ne aman, awosuo nu nyamesom mu gyidie ahodoɔ nyinaa ntam, na aboa ama botaee a Amanaman Nkabom Kuo de asi n'ani so pe se asomdwoee ba wiasɛ afanan nyinaa no adi mu.

Eye awofoo nyinaa asedee a edi kan koraa se wokyerɛ adesua koro a wope se won mma nya no daakye.

Ahyedee 27.

Eye onipa biara asedee se oma n'ani gye n'amammere ho, na ode ne ho hyehye emu dwumadie nyinaa mu, na onya mfasoo a efiri Abodeemunyansape mu ba nso.

Eye onipa biara a ode n'ankasa adwene atwere anaa aye biribi de ne din ato soɔ no asedee se oman no hwe bo ho ban ma no na ne bre anye kwa.

Ahyedee 28.

Eye onipa biara asedee se ode anigyeɛ ne ahosepe tena ase asomdwoee mu wo ne man anaa oman foforo mu, sedee ebeye na dee wopae mu aka no Amanaman Nkabom Kuo Anodisem mu no bedi mu.

Ahyedee 29.

Eye onipa biara asedee se ode n'ahooɔden ne ne nyansa boa ma faako a otee tumpon, efiri se eho na ama waye sedee otee yi.

Ewom se, ese se onipa biara di ne ho so, ye dee ebema ne ho ato no dee, nanso sedee ebeye a, obi nnya anigyetrasoɔ a ede ohaw bema n'afeɔɔ no nti, ese se onipa biara di ne man anaa fekuo a ofra mu mmara so, na ama ododoɔ amammuo asetena abo onipa yiedie ho ban.

Ense se obi toto saa asedee ne ahofadie ho nhyehyeɛ ahodoɔ yi ase ma ne nneyee ne Amanaman Nkabom Kuo apedee no bo abira kwan biara so.

Ahyedee 30

Wanhwe oman anaa nnipakuo bi ho na eyee saa Anodisem yi. Ne saa nti, enni se obi begyina Anodisem yi so, aye biribi ama atia adwempa a efa onipa asedee ne n'ahofadie a Amanaman Nkabom Kuo nya de yee saa anodisem no.